

کتاب طیب

اون بش کونده بر نشر اولنور دینی ، علمی مجموعه اسلامیه در

صاحب و مدیر مسئولی

ابو العلاء زین العابدین

تاریخ تأسیسی

۱۳۳۰

عدد : ۱۱ ۲۸ شوال سنه ۱۳۳۰ پنجشنبه ۲۷ ایلول ۱۳۲۸ برنجی جلد

ایمدی روایات مذکورہ ایلہ آخر الزماندہ ملحمہ لک انجق ارض شامدہ و مجمع عظیم
دخی انجق دمشق الشام ایلہ نواحیسی اولهجنی تحقق ایتش و بوجمع عظیمک زمام سیاست
و اداره سی یدمؤید شوکتہ مفوض ہر بادشاہ دیشانی اولمق لایلد اولوب روم دولتنک ایسہ
الی آخر الدھر عرب اوزرینہ فرمانفرما اولهجنی آنفا طراز دیباجہ بیان اولان حدیث شریفک
مضمون صدق نمونی ایلہ مستدل اولدینی اوزرہ شوملحمہ کبرادہ دخی تاج زرین سلطنتک
ہامہ آل عثمانہ برق انداز سطوت اولهجنی تأید ایدرک آل عثمان ایدھمہا تعالی بالنصر الی نہایہ
الدوران حضراتنک ملک و سلطنتلری الی الابد پایدار اولهجنی صادق امین علیہ افضل الصلاۃ
و السلام افندمنک اخبار مکاشفہ آثار نبویلرندن ظاہر و نمایان اولمشدر .

برکت زاده اسماعیل حقی



حقوق

امتحان حاضر لقلری

۸

مقروضہ تفریقہ اراضی مخصوصہ لری

— مابعد —

غرس :

قانون شو تصرفی مأمورك (صاحب ارضك) حقیقی و یا حکمی اذنتہ مقارن بولنق شرطیلہ
معتبر طوتیور . بوقہ حد ذاتندہ متصرف غرسدن ممنوعدر . زیرا : ۱ — ارض میریدہ اصل
و ملنزم و میری بہا ک زیادہ نافع تصرف زرعددر . غرس ؛ متصرفک مأذون بولندی اتفاعک مافوقی در .

۲ - کروم پتشنجه به قدر منافع میریه ضایع اولور. ثمره دار آغاج ؛ غرسندن بدء اوج سنه انتفاع اولنیز برحاله قاله جفندن اشغال ایلدیکی محله عائد رسم میری افاته ایدلش دیمکدر. ۳ - رقبه ارض، تأثیراته معروض قالیر. زیرا آغاج صاحبک ملکی اولدیغندن بقاسی مدتجه ارض انک حکمی آلیر. اذن ؛ مشروعیت تصرفی تأمینده مؤثر اولنجه ایکی احتمال وارد خاطر اولور : (۱) غرس واقع اذنه مقارن بولنور. بوراده کی اذن، رأساً مأموردن اذن آلتی [*] ویاوتلای و زیئونلکده اولدیگی کی اذن عامدن [**] استفاده اتمک و یا غرسدن اعتباراً اوج سنه انک کذاریلله اذن حکمی تحقیق ایلک صورتلرینه عام وانلری شاملدر. اذن ؛ غرسدن میرینک دها زیاده مستفید اوله جفته دلالت ایدر. زیرا مأمورک بتون احتمالاتی تدقیق ایدرک تبیین وترجح ایدن حاله کوره اذن ویرمش اولسی مفروضدر. [قبل الغرس اذندن رجوع جائزدر]. اذنک نتایجی : ۱ - آغاج لر صاحبک ملکی اولور. زیرا برکیمسه انک نفسی ایچون دیکدیکی اشجار کندی ملکی در. ۲ - میری رسم آلیرکه مشمرده عشردر. بری مقاطعه به ربط اولنیز. یعنی هم حاصلاتندن عشر وهم یرندن و برکو آلنیز. نته کیم ارض مملوکده هم عشره وهم ویرکویه تابع طوتلنز. غیر مشمرده عشره معادل تقدیر اولنان اجاره زمین در بوکا بدل عشر، مقاطعه ده دینور. [***] اجاره زمین : ایام و شهورده مقاطعه : سنینده مستعملدر. ۳ - اشجارک دوا می مدتجه اشغال ایلدیکی محل حکماً ثاب می عد اولنور. مثلاً موروث اشجارک مستقر بولندینی اراضی ورثه به حصه مفروضه لری وجهله انتقال ایدر. [زوالنده احکام اصلیه عودت ایلر. یعنی ارض میری حقنده کی قواعد قانونیه تطبیق اولنور.] (۲) اذنه مقارن اولماز. بوحالده ایکی احتمال وارددر. شجر یا مشمردرکه باقیلور. حین غرسدن


[*] غرسی زمره نسبتله میری ایچون دها زیاده موجب استفاده کوریرسه اذن و بره بیلور. والا و بره من ویرسه ده حکم افاده ایتیز. زیرا مصلحتندن عاری یعنی بولسز اذنلر کان لم یکن در بوراده غرسدن مقصد من باغ و باغچه حانه افراغدر. بوستان یا بقی ایچون اذن آلفه لزوم یوقدر. زیرا فدانلرک الی زراعت اولنیه بیلور. حالبوکه باغ و باغچه ده شو صورتله زراعت غیر قابلدر. زیرا اساساً باغ صیان ایشله من صورتده مفروس اولان محله اطلاق اولنور. باغچه ده باغک کوچکی دیمکدر.

[**] زمانیزده زیئونلک و دوتلای اتخاذا اولنقی اوزره تارلارک باغ و باغچه حانه قلی ایچون اذن عمومی ویرلشدر. ذاتاً شورای دولت قرازند : غرس حالده حاصلاتندن عشر آله جنی جهتنه حکومت سنیه انک استفاده سنه خلل کلیه چککندن و متصرفلرک عهده لرنده کی اراضیدن صورت استفاده لرینی تعیینده ایسه اساساً مختار بولندقلرندن بحث اولنورق اراضی مأمورلرینه طلب مساعده بولنده و وقوعه لری حق مجتعلرک اسعافی و اوج سنه بی ملولدر برمان اغاجلرک بقاوقلنی تقدیر خصوصنده صاحب ارض اولان مأموره مجلس اداره انک لزوم تشریک تسیب اولمشدر.

[***] تارلا و چایر کنارلرینه متفرق صورتده غرس اولنان اشجار غیر مشمره انک زمینی ایچون بر رسم استیفا اولتماز. دقت ! نته کیم متفرق خدای ثابت اشجار غیر مشمره انک زمینی ایچون بدل عشر تقدیر ایدلر. مشمره سندن عشر آلنیر. « متفرق » قید من اورمانلردن احتراز ایچوندر. زیرا میری قوری محلی عشره معادل اجاره زمینه تابعدر.

مأمورك آن اطلاعنه قدر اوج سنه مدت کیچمامش ایسه محل تقدیر اولور. یعنی نفع میری ابقا ویا قلمدن هر هانکیسندنه ایسه مأمور طرفندن اوشق اختیار اولنور. [مشهود من اولان حق قلع، انتفاع مآذونک مافوقنه تجاوز ایدلسندن نشأت ایدیور. زمانعزده تقدیر مسئله به مجالس اداره ده تشریک اولنور.] کیچمش ایسه اعاج انتفاع اولتی درجه سنی بولدیفندن علی حاله بر اقیلور. منافع میریهی محافظه عذری ایچون تجویز وقبول اولنان قلع صلاحیتی ثمرات مفروشدن عشر استیغاسی امکانندن نفعات ایدن زوال عذر ایله بر طرف اولمشدر. کوریلورکه مجرد مدتک گذرانیه اذن تحقق ایدیور. یعنی آبریمه اذن صریح اوانمور. ایشته اذن حکمی بودر. ویا غیر متمردر. مأمور مدتله تقید ایتمکسزین حق قلع صلاحیتنه توسل ایدر. ذاتاً اوج سنه نیک نهایتنده ارض طبیعیه تعطیله اوغرار. [بو حکمی تطبیق ایچون مشجره اولان محکم زراعت اولنور وعشر آلتیر بربر اولسنه دقت ایدیلور.]

ماروبنی زاده : ابراهیم



محکمه تمیزک منتخب قرارلری

۲۷

«توتون رژیمه مسائلنه متعلق»

رژمی نظامنامه سنک ۴۲ نجی ماده سنک ۱۱ نجی فقره سنه عامه : [*]

جزای تقدیمی ارا نیلان توتونلر تحریرین بیننده کی فرقندن عبارت اولسنه و بونلرک سرقت اولندیفته دائر مظنون جانبدن در میان اولنان مدافعه نیک اساساً تخمینه مستند اولان تحریر اولک ناطق اولدینی مقدارک سختی تصدیق یولنده اقرار صریحی غیر متضمن بولمنسه نظراً فرق مذکورک سرقت وقوعندن متولد اولمایوب قچاقیلقدن انبعاث ایلدیکنی نظامنامه مخصوصنک قرق ایکنجی ماده سنک اونبرنجی فقره سی منظوقنجه رژیم اداره سنک اثبات ایتمی لزومنه قارشو بویولده برکونه اسباب ودلائل ثبوتیه ابراز واره ایدیلهمامش

[*] فقره مذکوره نسخه سابقه ده مندرجدر.